

## DEO OPTIMO MAX.

48

UNI ET TRINO,


VIRGINI DEI-PARÆ, ET S. LUCÆ,  
Orthodoxorum Medicorum Patrono.

## QUÆSTIO MEDICA.

QUOD LIBETARIIS DISPUTATIONIBUS,  
*manè discutienda in Scholis Medicorum, die Veneris vigesima-nona  
mensis Decembris, Anno Domini M. DCC. XLVII.*M. DIONYSIO PAUTIER DE LABREUILLE,  
Doctore Medico, Præsîde.*An Variolarum morbus, absque eruptione?*

## I.

**M**ATERIÆ variolarum fermentativa indoles. Subtilissimo miasmate sensum omnem fugiente sanos humores ita inficit, ut contagium ab his iterum faciè propagetur. Cum autem, monente Galeno, nulla causa sine corporis aptitudine agere queat, hinc fermentum idem varia subiecta non uno modo afficit. Insunt quippe humoribus corpori nostro inquilinis particulæ non mole tantum ac formâ dispares, sed & dotibus genioque. Aliæ moris ambigui, quicquid humanum agere & pati satis dociles, ac nimium flexiles in vitium quodcumque, si qua sese offerat occasio, castris temerè mutatis, hostilem animum induent; hæc facillè pervertuntur variolosa fermenta & in similem sui indolem fingunt. Aliæ propositi tenaces, nedum ipsæ à recto deflectant, quin potius miasmata (ah, si fata sinant!) mansuescunt, moremque humanum inspirarent. Prout ergo hæc illavæ species abundaverit, minus erit vel majus à contagione periculum. Nec aliundè repetenda causa est cur nonnulli ægris ab hoc morbo decumbentibus perpetuò assidentes, nec ferè quidpiam nisi contagium inhalantes, impunè tamen in atmosphæra ista variolosa versentur, quibus nimirum desunt molecule ab hujusmodi veneno infici aptæ natæ. Jam verò variolæ propriè dicuntur udx quædam papulæ varis persimiles, in cute sensim increfcendo, prominentes sub epidermide & ad suppurationem vergentes, quarum tamen materia non nisi post concitatas in corpore turbas insignes ad cutim deponitur. Undè est quod morbi à variolis dicti stadia plura numerentur, vulgò quatuor maximè distincta: primum effervescentiæ, secundum eruptionis, tertium suppurationis, quartum exsiccationis vocant; 1<sup>o</sup>. Quidem sive recens susceptræ, sive post longiores in corpore moras novissimè effrata materiam variolarum functiones plurimas lædit, nervosque generi inprimis inferna, tumultus horrendos ciēt, contrà verò in iras assurgit cor primarium vitæ organum, recollescitque visibus instigatus ab eo sanguis inhaerentem sibi noxam circumagendo, versilis exteriorem corporis habitum trudit, propriæ puritiei vindex acerrimus, 2<sup>o</sup>. Pulsa à centro corporis arceque vitali lues in cute hæret, passimque papulas inspergit continuâ materiam congeneris accessione fastigiatas, dum scilicet nec cuticulam pervadere datur, nec eas valorum angustias superare, ubi post innumeras divisuras exilis canaliculus mutato nomine festigia relegens, qui modò directus arteria, reflexus jam vena audit, 3<sup>o</sup>. Ed loci coercita variolosa colluvies non adco mitescit quin omnia circumposita assiduò lacelcens carceribus insultet, minimaque tandem erodendo vascula destruat & in pus verrat. 4<sup>o</sup>. Siagnante pure, tenuiora fluxilioraque spontè secedunt, avolant, crassiora verò sibi relicta magis ac magis arefiunt, ut exsucca tandem cum ipsa epidermide desquamata proflis decidunt, tuncque demùm redintegratur naturalis solidorum actio, fluidorum lenis circuitus. Non desunt tamen auctores qui præcipua duo discrimina respicientes, cetera huc revocent, morbumque quasi geminum statuant. Quid enim? Pugnatur, subacta abscedit illuvies; pugna recrudescit, debellata lues exterminatur. Quocirca optatæ pretium saluti videmur si unico certamine posse quondam rem omnem absolvi monstraverimus, febribusque unius opt, pro metastasi perfectam crisiū obtineri,



quâ posita, & pulsula, & cæterorum inde pendentium symptomatum series præcaveatur.

I I.

**Q**UOD ad semini variolosi *essentiam* attinet, inscrutabile quid, *et tibi* inest, de quo curiosius disserant, quibus vacat. Medenti, Philosopho Clinico, satis erit, si ex dotibus conspicuis obviisque effectibus, scorsim accuratè perpenſis, mox sedulo collatis invicem ac diversimodè combinatis, dædaleos anguis subtili reaptus certò vestigare dicat, lætenter insidiantem subodorari, ferocientem retundere, aut si minus quæ vires, non tamen adeò iniquis conditionibus pacisci. Quænam eruptionis ope transferretur, magis quàm conficitur, desultor morbus, nec ea est variolosa lucis quæ loco pulsa, ferociam concessim extuat; imò pomœriis undique circumfusa commecat omnes intercludere satagit, mox etiàm postliminio regressa, ipsiusque iterum inimicis penetrabilibus, stragem intentat immanem. Natura verò per totum morbi decursum, quid nisi crisin meditatur? Nonne tota videtur in id opus incumbere, ut avenale inquinamentum quocumque pretio, quâcumque viâ solum vertere cogat? Id ut præster, quos non inclamat Divos? Quod non pulsât ostium? En aspice jam ab initio per tenue cribrum epidermidis, neque per ipsius membranæ pulmonaris cæca spiracula avolentem subtilissimorum effluviolorum quasi nubeculam, testantibus tum ingrato indusolorum odore, tum etiàm gravi ægotantium halitu, tum maxime contagio inde utplurimum concepto. Procedente morbo, cernis per salivales glandulas, exiguoſque linguæ, gingivarum, palati, uvulæ, faucium ductus emissarios non spernedam veneficæ portionem, summo quandocumque cum levamine excretam? Mox etiàm crassioribus ejusdem partibus ablegandis patescunt renum colatoria. Tandemque excurrente morbo, humores in intestinorum cava ab adjacentibus glandulis undequaque depulſentes, per alvum eliminari, solutique morbi reliquias omnino averri mirabris; & quò magis subitanæam partium tumentium depressionem noxis ac præſenti periculo famosiâ, reformidaveris, eò lætior gradariam earumdem detumescentiâ, levaminis solatiæ plenam agnosces, molecularum insensibilium vaporatiori tribuendam. His tot moliminibus, licet sæpius irritis, officii admonemur *laudis* Hippocratis asseclæ, cujus ut omnis omnino Medica theoria fuit exquisita naturæ descriptio, ita quoque Medica praxis uno cardine vertebatur, assiduâ observatione moliminum naturæ morbos impugnantis. Artis igitur erit excretionem promovere hanc illamve, prout videbitur, benignâ naturâ factam præſerente. Quo quidem naturæ nomine nihil aliud intellectum volumus nisi leges humano corpori ab altâ Dei sapientiâ inditas, quibus stat solidiorum fluidorumque actio reciproca, & indefinente utrorumque antagonismo, harmonia inenarrabilis.

I I I.

**I**N bonum corporis amice conjurans, altera alterius vices gerit excretio. Nec ullum habet emunctorium, definita officii sui diametro ita manciparum humorum peculiari, quin sæpè aut constrictum plus iusto, humorem proprium renuat, aut contra relaxatum plus solito, alienos cogatur admittere. Et vicissim nullus habetur humor excrementitius, determinatâ particularum suarum mole aut figurâ, ita addictus peculiari emunctorio, quin sæpè aut iusto crassior factus, à proprio excludatur, aut contra nimis attenuatus, per non sua disſuât excernicula. Hinc Hippocratis Aphorismus: *cutis variat, alvi densitas*. Hinc Sanctotii axioma: *qui plus meiunt quam bibunt, parum perspirant*. Hinc Boerhaavii effatum: *si æger se noctu sudare conuerſatur, Medicus verò in matulam manû inspicies, uberior mœrvat urinam, audax asseret; at tu proximè elapsâ nocte non sudasti*. Artis Coryphæorum dogmatibus quotidiana suffragatur experientia. Sic caraminiorum vices nonnunquam supplèvit sudor sanguineus, aut urinæ effluens. Sic à reſuſa in sanguinem bile, nunc urinam flavo colore lintea insipientem, nunc amarâ salivam, ipsuvne sudorem, stupuerunt. Sic ischuriâ laborantes, aliquam uring partem sudoris specie exſudant; nec nunquam iisdem halitus ipse urinam olet. Sic hypochondriaci, perpetuis ferè spuatoribus, si sputum subtiliterit, mingunt aquosa; redeunte sputo, minuuntur urinæ. Mira proſectò, quam habet Clar. Gorterius, hujusmodi derivationum observatio, humoribus ab ulcere in alvum. hinc in sudores, dein in lachrymas, mox in salivationem, denud in alvum, ac denique in cutem incumbentibus. Sed illud præcipuè intruci juvat, quod majoribus variis euenit decurpat, virus venereum. Quid in illud ars nostra possit, cuivis è vulgo notissimum. Sæpius quidem ab hydragyro, per salivæ colatoria exprimitur; idem tamen sæpè à guayaci decocto, per miliares cutis glandulas elici constat; nec infrequenter ope catharticorum, ipsam mercurii efficacitatem ad alvum determinari. Nobile sanè & appositum exemplum, quodque ad minores variolas quàm proximè referatur, quàm aptissimè congruat! Quæ cùm ita sunt, propositas medentibus generales indicationes duas videre mihi videor: alteram præcavendæ à varioloso fermento infectionis humorum; alteram infecturum, quâ promptior exitus, ejiciendorum, Priorem intendere videntur plurimi (non è Medicorum grege).

qui contagii hauriendi vel minimum periculum, imò ipsam ejusdem umbram sollicitè devitant, molestissimā quidem securitate nec unquam securā, attamen matribusfamilias, ac præsertim splendidiorebus, longè probatissimā. Huic eidem indicationi operam navant qui corporis nostri humores adversus labem contagiosam ita obfirmare præsumunt, ut ne minimam quidem moleculam in partes suas trahere queat. Grande profectò opus, periculoseque plenum alex! Illud ipsum tamen, suā quique methodo, præstitisse sibi gratulantur Lobbius & Berkleyus; dum scilicet quotquot humorum particulæ novas res molirentur, ope attenuantium idoneorum emendatæ, foras evocabantur: quæ arte ab eximii hîc viris præmuniti adversus variolosam epidemiam plurimi utriusque sexus, alii prophylacticæ medelæ minùs patientes, benigniorem tamen morbum passi sunt, alii obsequiosiores, omninò nullum. Quod ad posteriorem indicationem, scopus huic subesse videntur speciales indicationes, nec unā viā putem posse eundem scopum attingi; sive salivales ductus, meatus urinarios aut alia quavis colatoria laxando, versùs alterutrum derives, imiterisque per artem, quod natura, contemplanter Sydenhamo, nullo verò docente, assecuta est; sive ipsum veneficium attenuando, ita corrigas, ut nihil jam impervium agnoscat, sed quaquaversum facillè dilabatur; sic quidem punctum omne tuleris, non impetratis induciis, sed imperatâ pace, ægerque non modo exanthemata devitabit, sed etiam omni morbi recidivi metu in præsens & in posterum liberatus, ignes cineri doloso suppositos impunè jam percalcabit.

#### I V.

**P**RINCIPIIS inconcussis evidenter annexæ conclusiones, vix tamen meritam fidem inveniunt, nisi accedat unicum medicæ veritatis criterium experientia, suspensamque rationis sagacitatem confirmet, ac sanciat castæ oculus periti observatoris suffragium omni exceptione majus. In febre epidemicâ, anno 1667 apud Anglos grassante & in salivalem ultrò desinente, Sydenhamus, celeberrimus ille Naturæ Antistes, dolorem quemdam notavit circâ partes cordis scrobiculo subiectas, quæ manum leviter admotam non sustinerent; quod quidem symptoma nunquam sibi visum meminerat, nisi in variolis, tunc temporis etiam debacchantibus. Intensius igitur animum advertenti, cæteraque quàm accuratissimè pensitanti, non affinis tantum, sed idem omninò morbus videbatur, dempsis solummodò symptomatis, quæ eruptionis consecutaria vel effectus essent necessarii; imò etiam coincidentibus phenomenis omnibus quæ curationem respicerent, febris variolose nomine hanc inignire non dubitavit Vir præclarus, cujus non erat nova rerum nomina præter necessitatem affectare. Quia & anno subsequenti, idem ille morbus, novam personam induens (Sydenhamo succum facere velle diceret) sine manifesto ullo febris indicio, sub diarthrææ larvâ sese efferebat, scitè tamen tractatus facillè domari se patiebatur; at ubi perversâ medicatione irritaretur, ægros complures de medio tollebat. Nec minùs intercæ persilientibus tum variolis, tum febre illâ suprâ memoratâ, simul habebantur, non tres ejusdem generis species, sed (fas sit cum Botanicis loqui) tres in eadem morbi specie *varietates*. Jam verò *accidentalis* hujusce discriminis rationem accipe. Variolosas particulas figurâ ferè similes, at non omnes æquali mole donari extra dubium est; hinc alix per ductus perspiratorios facillè aufugiunt, alix longè patentiora requirunt exercicula. Contagium à tenuissimis est circumfuso acri facillè permiscendis, sudor illud à tenuibus, à crassiusculis salivatio, à crassissimis denique tum uberius illud urinæ profluvium, tum etiam diarthræa; exanthemata medias quodammodo arguunt, quæ per vias quidem anfractus ad cutis intimâ facillè appellentes, non tamen eâ gaudent tenuitate quâ glandularum cutanearum ostiola porosive epidermidis superare valeant; undè primò vascula inferiunt, mox etiam illdem erosio, utriusque tegamenti intercapedine, velut in angiporitu detinentur; donec tandem faccescentes in scabiem pustulæ, ruptis cuticulæ aggeribus, decidunt. Porro in exemplis superius allegatis, particule istæ vel saris tennes fuere, ut involatæ epidermidis poros præterlaberentur, vel paulò crassiores quàm ut cutis emissaria vasa subirent ullo modo; vel deniquè insuperabilis in glandulis miliaribus, quâcumque de causâ constrictis, obex adfuit, dum contrâ hiantibus oculis, nunc salivales ductus, nunc intestinales glandulæ, retropulsos à cute, humores ad sese invitarent. Quod autem nemo ante Sydenhami tempora, exindeque etiam perpauci animadverterunt, non idèò temerè rejiciendum; quin potius oculis minùs acutum cernentibus plus semel occurrissè puta. Non enim cuius datum est morbum sic cohibitum primo intuitu dignoscere; nec nisi perspicacioribus firmam præstat diagnolin antecedentium, concomitantium & consequentium, sollicita disquisitio. *Quamvis rarò cogitur de hac indicatione, inquit magnus Boerhaavius, casus tamen ignaro morbi Medico sæpè dedit successus probantes talem artem.* Quid si manus auxiliatrices dextro tempore præbuisse Medicorum Filii? Annon præstitisset in millibus alma Natura, quod in centenis sola ac per se præstitit?

**Q**UÆ educere oportet, quò maximè vergunt, eò ducenda, per loca convenientia, edidit Hippocrates. Omni ope atque opetà promovendam variolarum eruptionem, uno ore clamant docti pariter & indocti, iidemque non aut parcius erumpentibus, infaulta omnia porrendunt. Et nos quidem, suffultam longà experientià observatibufque innumeris, legem recolentes, ultrò amplectimur, ita tamen ut illius sancientiæ altius scrutemur causas, quarum ex ipsarum sinu exurgit distinctio prudētissima. Enimverò quid magis secundùm naturam, quàm lactis ad mammas puerpararum affluxus? Eodem temerè reperlculo, quid non mali inde scaturit? Verumtamen lac à mammis, absque noxà ullà, arceci nunc tandem quotidianum est. Ubi nimium diatrænuiori quadamentis præcluditur chyloleos officina, necnon remediis idoneis procuratur lochiorum fluxus uberior, his artibus omne periculum certissimè averruncatur. Quin etiam, teste clarissimo Riverio, lochiorum vicem saltem ex aliquà parte supplere valet alia quedam evacuatio, ut hæmorrhagia narium, hæmorrhoides, urinae profusio cum fuliginoso sedimento, aut sudor copiosus. Idem propè de variolis dictum puta. Si quidem cohibeantur variolæ ad cutem prorumpentes, nec alia humoribus veneno imbutis convenientior porta recludatur, serpit contagio, universamque humorum massam quantocius inquinat, adeòque summa rerum quàm maximè periclitatur. Si verò per quodlibet excerniculum abigi patiens, variolarum materies ita penitus exhauriatur, ut ulteriori contaminationi desit ansa omnis, absque eruptione salva res erit. Cavè tamen cum versipelle morbo mercandum censemus, nec nisi lenito gradu, circumspeciendoque in omnes insidias, procedendum. Audendo nonnunquam, cunctando ut plurimum, ritè provehitur res medica. Tempori studendum, occasione serviendum. Lætæ spes segetis in prospectu ecce adest: exulto per Sydenhami sudores humo, semina mandavit Boerhaavius, latentes adhuc in culmo turgido spicas fovemus anxie; felix heu nimium, qui maturam in horrea messem cogit! Falcem jam parat (forè paulò confidentior) Lobbius, specificamque variolæ labis correctionem ab *Æthiope minerali* aliisque pulveribus quibuldà, pro re natà adjunctis, spondet. Re quidem ipsà, contagio huic quod tam parvâ mole susceptum, reliqua parit phenomena, oppositum *specificum* (ut vocant) in stibio præparis & hydrargyro, ut quaramus, invitat aliquis horum aliquandò successus. Sed nec minis prospero eventu, memoriâ nostrâ, adhibitam generalem illam, per laxantia & antiphlogistica, therapëuin, idonei testes sunt.

*Ergò nonnunquam absque eruptione, Variolarum morbus.*

## DOMINI DOCTORES DISPUTATURI.

M. Petrus Labouette.

M. Josephus - Maria - Franciscus de la Sône, Censor Regius, Regiæ Scientiarum Academia Socius, & Chirurgiæ Gallicæ Idiomaticæ Professor.

M. Joannes - Claudius - Adrianus Helveticus, Regi à Sanctoribus Consiliis, Regiæque Medicus Primarius, & Regiæ Scientiarum Academia Socius.

M. Silvester - Antonius le Moine.

M. Julianus Bussou.

M. Jacobus - Benignus Winslow, Censor Regius, Regiæ Scientiarum Academia, Regiæque Societatis Londinensis Socius, Teutoicæ Linguae Regius Interpres, & in Horto Regio Anatomæ & Chirurgiæ Professor.

M. Petrus - Josephus Macquer, Regiæ Scientiarum Academia Socius.

M. Petrus Bercher, Scholæ Professor.

M. Antonius Petrus, Regiæ Consiliarius & in Porta Breitenfeldi Medicus Primarius.

Proponebat Parisiis JACOBUS BARBEU DU BOURG, Cenomanensis, Saluberrimæ Facultatis, Medicinæ Parisiensis Baccalaureus, A. R. S. H. 1747, à sextâ ad meridiem.